

(կազմված է 2 մայիսի 2023 թ. և բաղկացած է 13 թերթից)

Տպագրված է ընդամենը 2 օրինակ
ՕՐԻՆԱԿ 1

Հ Ա Ս Տ Ա Տ Վ Ա Ս Է

«Գեղարդ» ԳՎ ՀԻՄՆԱԴՐԱՄ
հիմնադրելու մասին հիմնադրի
2 մայիսի 2023 թ. որոշմամբ

Հիմնադրամի տնօրենի ժ/պ՝

Ղազարյան Ռոբերտ

Գ Ր Ա Ն Ց Վ Ա Ս Է

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ ԿՈՂՄԻՑ
" 31 " 05 2023 թ.

գրանցման համար՝ 229.160.1328937

ՀՎՀՀ՝ 08256905

աշխատակից՝



**«ԳԵՂԱՐԴ»
ԳԻՏԱՎԵՐԼՈՒԾԱԿԱՆ
ՀԻՄՆԱԴՐԱՄԻ**

ԿԱՆՈՆԱԴՐՈՒԹՅՈՒՆ

ԿԱՆՈՆԱԴՐՈՒԹՅՈՒՆ
«ԳԵՂԱՐԴ» ԳԻՏԱՎԵՐԼՈՒԾԱԿԱՆ ՀԻՄՆԱԴՐԱՄԻ

1. ԸՆԴՀԱՆՈՒՐ ԴՐՈՒՅԹՆԵՐ

1. «Գեղարդ» գիտավերլուծական հիմնադրամը (այսուհետ՝ Հիմնադրամ) հիմնադրի կամավոր գույքային վճարների հիման վրա ստեղծված և անդամություն չունեցող ոչ առևտրային կազմակերպություն է, որը գործում է Հայաստանի Հանրապետության Սահմանադրության, միջազգային պայմանագրերի, Հայաստանի Հանրապետության քաղաքացիական օրենսգրքի, «Հիմնադրամների մասին» Հայաստանի Հանրապետության օրենքի, սույն կանոնադրության և այլ իրավական ակտերի համաձայն:
2. Հիմնադրամի անվանումն է՝
 1. հայերեն լրիվ՝ «Գեղարդ» գիտավերլուծական հիմնադրամ.
 2. հայերեն կրճատ՝ «Գեղարդ» ԳՎ հիմնադրամ.
 3. ռուսերեն լրիվ՝ Научно-аналитический фонд “Гегард”.
 4. ռուսերեն կրճատ՝ НА фонд “Гегард”.
 5. անգլերեն լրիվ՝ “Geghard” Scientific Analytical Fund.
 6. անգլերեն կրճատ՝ “Geghard” SA Fund:
3. Հիմնադրամն իր գործունեությունն իրականացնում է Հայաստանի Հանրապետությունում: Հիմնադրամի գտնվելու վայրն է՝ Հայաստանի Հանրապետություն, ք. Երևան, Մարշալ Բաղրամյան 24 հասցեն:
4. Հիմնադրամի հիմնադիրը «Հայաստանի Հանրապետության գիտությունների ազգային ակադեմիա» ոչ առևտրային կազմակերպությունն է (հասցե՝ Հայաստանի Հանրապետություն, ք. Երևան, Մարշալ Բաղրամյան 24, պետական գրանցման համար՝ 264.212.89187, գրանցված՝ 14.04.2012թ., ՀՎՀՀ՝ 00005673):
5. Հիմնադրամի շահառուները գիտության, մշակույթի, կրթության բնագավառներին առնչվող ֆիզիկական և իրավաբանական անձինք են:
6. Հիմնադրամը կարող է Հայաստանի Հանրապետության օրենսդրությամբ սահմանված կարգով ստեղծել մասնաճյուղեր և ներկայացուցչություններ, հիմնարկներ, որոնք գործում են հիմնադրամի անունից՝ հիմնադրամի կանոնադրությանը համապատասխան:

7. Հիմնադրամը Հայաստանի Հանրապետության օրենսդրությանը և սույն կանոնադրությանը համապատասխան կարող է անդամակցել միջազգային և օտարերկրյա ոչ պետական կազմակերպություններին:
8. Հիմնադիրը պատասխանատվություն չի կրում հիմնադրամի պարտավորությունների համար:
9. Հիմնադրամն իրավաբանական անձ է և ստեղծված է համարվում Հայաստանի Հանրապետության օրենսդրությամբ սահմանված կարգով պետական գրանցման պահից: Հիմնադրամը կարող է ունենալ իր անվանումը պարունակող դրոշմներ և ձևաթղթեր, ինչպես նաև այլ անհատականացնող միջոցներ: Հիմնադրամն իրավունք ունի Հայաստանի Հանրապետության օրենսդրությամբ սահմանված կարգով բացելու բանկային հաշիվներ Հայաստանի Հանրապետության և օտարերկրյա պետությունների բանկերում՝ Հայաստանի Հանրապետության դրամով կամ արտարժույթով:
10. Հիմնադրամն ինքնուրույն է որոշում իր գործունեության ռազմավարական ծրագրերը:
11. Հիմնադրամը որպես սեփականություն ունի առանձնացված գույք և իր պարտավորությունների համար պատասխանատու է այդ գույքով, կարող է իր անունից կնքել պայմանագրեր, ձեռք բերել ու իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:
12. Հիմնադրամի իրավունքները կարող են սահմանափակվել միայն օրենքով նախատեսված դեպքում և կարգով:
13. Հիմնադրամն ունի Հայաստանի Հանրապետության օրենսդրությամբ չարգելված բոլոր եղանակներով իր քաղաքացիական իրավունքների ինքնապաշտպանության իրավունք:
14. Հիմնադրամը շահույթ ստանալու նպատակ չի հետապնդում: Տարբեր աղբյուրներից, ինչպես նաև իր տնտեսական գործունեությունից ստացված միջոցներն օգտագործում է միայն սույն կանոնադրությամբ սահմանված նպատակներով:
15. Հիմնադրամն Հայաստանի Հանրապետության օրենսդրությամբ սահմանված կարգով վարում և ներկայացնում է հաշվապահական ու վիճակագրական հաշվետվություն:

2. ՀԻՄՆԱԴՐԱՄԻ ԿԱՆՈՆԱԴՐՈՒԹՅԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼԸ

16. Հիմնադրամի կանոնադրության մեջ փոփոխություններ և լրացումներ կարող է կատարել հիմնադրամի հիմնադիրը:

3. ՀԻՄՆԱԴՐԱՄԻ ԳՈՐԾՈՒՆԵՈՒԹՅԱՆ ՆՊԱՏԱԿՆԵՐԸ ԵՎ ԳՈՐԾՈՒՆԵՈՒԹՅԱՆ ՈՒՂՂՈՒԹՅՈՒՆՆԵՐԸ

17. Հիմնադրամի գործունեության նպատակներն են՝

- 1) պատմական, պատմաքաղաքական, տնտեսական, բնապահպանական և այլ թեմաներով հետազոտությունների և միջգիտակարգային ուսումնասիրությունների իրականացումը,
- 2) գիտական, գիտավերլուծական, գիտահանրամատչելի և տեղեկատվական նյութերի պատրաստումը,
- 3) գիտականամերձ և անբարեխիղճ հետազոտությունների, քողարկված հակագիտական և գիտատեղեկատվական հոսքերի բացահայտումը և դրանց տարածմանը հակազդումը,
- 4) գիտության և կրթության նկատմամբ երիտասարդության շրջանում գրավչության ավելացմանը և հետաքրքրության առաջացմանը նպաստումը,
- 5) միջազգային, տարածաշրջանային և հայկական, այդ թվում՝ Սփյուռքի գիտական, վերլուծական և լրագրողական կենտրոնների, ինչպես նաև անհատ գիտնականների և փորձագետների հետ համագործակցությունը:

18. Հիմնադրամի գործունեության ուղղություններն են՝

- 1) գիտական, հետազոտական և վերլուծական գործունեություն հումանիտար, հասարակական, բնական և տեխնիկական բնագավառներում՝ իրականացնելով միջգիտակարգային ուսումնասիրություններ,
- 2) գիտա-վերլուծական լրագրության զարգացում,
- 3) տպագրական-հրատարակչական գործունեություն,
- 4) գիտակրթական գործունեություն,
- 5) խորհրդատվական գործունեություն,
- 6) գիտական արդյունքի, գիտահանրամատչելի նյութերի հանրայնացման, հանրահռչակման քաղաքականություն,
- 7) գիտաժողովների, աշխատաժողովների, քննարկումների, «կլոր սեղանների» և այլ միջոցառումների կազմակերպում և մասնակցություն, այդ թվում՝ արտերկրում:

4. ՀԻՄՆԱԴՐԱՄԻ ԳՈՒՅՔԸ

19. Հիմնադրամը որպես սեփականություն կարող է ունենալ շարժական և անշարժ գույք, դրամական միջոցներ, բաժնետոմսեր, այլ արժեթղթեր ու Հայաստանի Հանրապետության օրենքով չարգելված այլ գույք: Հիմնադրի կողմից հիմնադրամին սեփականության իրավունքով հանձնված գույքը հիմնադրամի սեփականությունն է:

20. Հիմնադրամը տիրապետում, օգտագործում ու տնօրինում է իրեն պատկանող և իր կողմից ձեռք բերված գույքը, այդ թվում՝ ֆինանսական միջոցները՝ սույն կանոնադրությամբ սահմանված նպատակներով:

21. Հիմնադրամի գույքի ձևավորման աղբյուրներ կարող են լինել՝

1. հիմնադրի կամավոր ներդրումները.

2. ֆիզիկական և իրավաբանական անձանց նվիրատվությունները և նվիրաբերությունները, այդ թվում՝ օտարերկրյա քաղաքացիների, իրավաբանական անձանց, միջազգային կազմակերպությունների նվիրատվություններն ու նվիրաբերությունները.
3. դրամական մուտքերը պետական բյուջեից.
4. հիմնադրամի և իր ստեղծած կամ իր մասնակցությամբ տնտեսական ընկերությունների ձեռնարկատիրական գործունեությունից ստացված միջոցները.
5. դրամաշնորհները.
6. Հայաստանի Հանրապետության օրենսդրությամբ չարգելված այլ աղբյուրները:
22. Հիմնադրամի սեփականությունը չի կարող օգտագործվել ի շահ իր հիմնադրի, հիմնադրամի մարմինների անդամների, ինչպես նաև հիմնադրամի աշխատողների՝ բացառությամբ աշխատողների աշխատավարձի ու դրան հավասարեցված միջոցների, և, հիմնադրամի մարմինների անդամների պարտականությունների կատարմամբ պայմանավորված, փոխհատուցման ենթակա ծախսերի, ինչպես նաև այն դեպքերի, երբ հիմնադրամի մարմինների անդամները, ինչպես նաև հիմնադրամի աշխատողները սույն կանոնադրությամբ նախատեսված շահառուներ են:

5. ՀԻՄՆԱԴՐԱՄԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

23. Հիմնադրամը, իր կանոնադրական նպատակներին համապատասխան, իրավունք ունի՝
 1. անարգել տարածելու տեղեկություններ իր գործունեության մասին.
 2. հիմնադրելու մամուլի և զանգվածային լրատվության այլ միջոցներ.
 3. պետական և տեղական ինքնակառավարման մարմիններից Հայաստանի Հանրապետության օրենքով սահմանված կարգով ստանալու տեղեկություններ, որոնք անհրաժեշտ են իր կանոնադրական նպատակներն իրականացնելու համար.
 4. ստեղծելու առանձնացված ստորաբաժանումներ (մասնաճյուղեր, ներկայացուցչություններ) և հիմնարկներ.
 5. ստեղծելու տնտեսական ընկերություններ կամ լինելու նրանց մասնակիցը.
 6. իրականացնելու Հայաստանի Հանրապետության օրենսդրությամբ չարգելված այլ գործունեություն:
24. Հիմնադրամը ձեռնարկատիրական գործունեությամբ կարող է զբաղվել միայն այն դեպքում, երբ դա ծառայում է այն նպատակների իրականացմանը, որոնց համար ստեղծվել է հիմնադրամը և համապատասխանում է այդ նպատակներին:

25. Հիմնադրամը կարող է անձամբ զբաղվել ձեռնարկատիրական գործունեության հետևյալ տեսակներով՝

1. գիտական հետազոտություններ և փորձարարական մշակումներ հասարակական և հումանիտար գիտությունների բնագավառում,
2. մասնագիտական, գիտական և տեխնիկական այլ գործունեություն, չներառված ուրիշ խմբավորումներում,
3. նեղ մասնագիտական գիտելիքների ձեռք բերման այլ դասընթացներ,
4. գրքերի հրատարակություն,
5. տեղեկագրքերի և հասցեագրքերի հրատարակություն,
6. ամսագրերի և պարբերականների հրատարակություն,
7. հրատարակչական այլ գործունեություն,
8. մասնագիտական ցուցահանդեսների, գիտաժողովների կազմակերպման գործունեություն:
9. Հիմնադրամը կարող է զբաղվել լիցենզավորման ենթակա գործունեությամբ միայն լիցենզիայի առկայության դեպքում:

26. Իր առջև դրված նպատակների արդյունավետ կատարումն ապահովելու նպատակով հիմնադրամը՝

1. ներգրավում է միջոցներ՝ իր կանոնադրական նպատակների իրականացման համար.
2. համագործակցում է Հայաստանի Հանրապետության պետական կառավարման և տեղական ինքնակառավարման մարմինների, Հայաստանի Հանրապետության և օտարերկրյա հասարակական կազմակերպությունների, միջազգային տնտեսական ու ֆինանսական կառույցների, գործակալությունների և հիմնադրամների հետ:

27. Հիմնադրամը պարտավոր է՝

1. գործել Հայաստանի Հանրապետության Սահմանադրությանը, օրենքներին և իրավական ակտերին, ինչպես նաև սույն կանոնադրությանը համապատասխան.
2. յուրաքանչյուր տարի Հայաստանի Հանրապետության օրենսդրությամբ սահմանված կարգով և ժամկետներում հրապարակել՝
 - ա. հաշվետվություն իր գործունեության մասին: Հաշվետվությունը պետք է ներառի տեղեկություններ իրականացված ծրագրերի, ֆինանսավորման աղբյուրների, ֆինանսական տարում օգտագործված միջոցների ընդհանուր չափի և դրանցում կանոնադրական նպատակների

իրականացմանն ուղղված ծախսերի չափի, հիմնադրի, հոգաբարձուների խորհրդի անդամների, տնօրենի և հիմնադրամի աշխատակազմում ընդգրկված անձանց անուններն ու ազգանունները, եթե նրանք հաշվետու տարվա ընթացքում օգտվել են հիմնադրամի միջոցներից և ծառայություններից,

բ. ֆինանսական հաշվետվությունների վերաբերյալ աուդիտն իրականացնող անձի (աուդիտորի) եզրակացությունը, եթե հիմնադրամի ակտիվների արժեքը գերազանցում է 10 000 000 ՀՀ դրամը.

3. օրենքով սահմանված կարգով վարել գործավարություն և հաշվապահական հաշվառում.

4. օրենքով նախատեսված դեպքերում և կարգով տեղեկատվություն ու հաշվետվություններ ներկայացնել պետական մարմիններին.

5. իրականացնել Հայաստանի Հանրապետության օրենսդրությամբ սահմանված այլ պարտականություններ:

6. ՀԻՄՆԱԴՐԱՄԻ ՄԱՐՄԻՆՆԵՐԸ ԵՎ ՆՐԱՆՑ ԻՐԱՎԱՍՈՒԹՅՈՒՆԸ

28. Հիմնադրամի մարմիններն են՝

1. հիմնադրամի կառավարման բարձրագույն և հսկողություն իրականացնող մարմինը՝ հիմնադրամի հոգաբարձուների խորհուրդը (այսուհետ՝ խորհուրդ).

2. հիմնադրամի ընթացիկ գործունեությունը ղեկավարող կառավարիչը՝ հիմնադրամի տնօրենը:

29. Խորհուրդը բաղկացած է յոթ անդամից: Խորհրդի անդամ կարող են լինել 18 տարին լրացած գործունակ ֆիզիկական անձինք, այդ թվում՝ հիմնադիրները: Ի պաշտոնե խորհրդի անդամ և նախագահն է «Հայաստանի Հանրապետության գիտությունների ազգային ակադեմիա» ոչ առևտրային կազմակերպության նախագահը: Ի պաշտոնե խորհրդի անդամն է «Հայաստանի Հանրապետության գիտությունների ազգային ակադեմիա» ոչ առևտրային կազմակերպության հումանիտար գիտությունների ոլորտը համակարգող համապատասխան բաժանմունքի ղեկավարը:

30. Խորհրդի անդամների լիազորությունների ժամկետը չի սահմանափակվում:

31. Խորհրդի առաջին կազմի անդամների լիազորությունների սկիզբը կարգավորվում է «Հիմնադրամների մասին» Հայաստանի Հանրապետության օրենքի 23-րդ հոդվածի 1-ին մասի 2-րդ պարբերության պահանջի համաձայն:

32. Խորհրդի անդամի լիազորությունը դադարում է՝

1. խորհրդի նախագահին տրված գրավոր դիմումի հիման վրա.
 2. նրա կողմից իր պարտականությունները պատշաճ չկատարելու դեպքում խորհրդի մնացած անդամների ձայների առնվազն երեք քառորդով.
 3. լիազորությունների ժամկետի ավարտման դեպքում.
 4. եթե դադարել են խորհրդի անդամների ընդհանուր թվի կեսի կամ կեսից ավելիի լիազորությունները.
 5. դատարանի՝ օրինական ուժի մեջ մտած վճռով անգործունակ ճանաչվելու դեպքում.
 6. նրա մահվան դեպքում.
 7. նրա զբաղեցրած պաշտոնին այլ անձ նշանակելու կամ նրա զբաղեցրած պաշտոնի վերացման դեպքում:
33. խորհրդի անդամի լիազորությունը դադարելու դեպքում նրա փոխարեն նոր անդամ նշանակվում է նախկին անդամի նշանակման կարգով՝ նախկին անդամին նշանակած կազմակերպության կամ պետական մարմնի կողմից, ոչ ուշ քան խորհրդի անդամի թափուր տեղ առաջանալու մասին տնօրենի ծանուցումն ստանալու օրվանից հետո 30 օրվա ընթացքում: Եթե խորհրդի անդամի թափուր տեղը լրացվել է հիմնադրի կողմից սահմանված ժամկետում համապատասխան պետական մարմնի կողմից ներկայացուցիչ չնշանակելու պատճառով, ապա այդ տեղը թափուր դառնալու դեպքում նշանակում կատարում է համապատասխան պետական մարմինը սույն կանոնադրությամբ սահմանված ժամկետում: Հիմնադրամի տնօրենը խորհրդի անդամի թափուր տեղ առաջանալու մասին տեղեկացված լինելու օրվանից ոչ ուշ, քան 10 օրվա ընթացքում դրա մասին տեղեկացնում է հիմնադրին, խորհրդի անդամներին ներկայացրած և նշանակած անձանց կամ մարմիններին, հիմնադրամի մարմիններին:
34. խորհրդի իրավասությանն են պատկանում՝
1. հիմնադրամի ռազմավարական և տարեկան ծրագրերի հաստատումը.
 2. հիմնադրամի բյուջեի և դրա փոփոխությունների, տարեկան ֆինանսական հաշվետվությունների ու հիմնադրամի գործունեության մասին տարեկան հաշվետվությունների հաստատումը.
 3. հայտարարվող և անցկացվող մրցույթների մասին կանոնակարգի մշակումն ու հաստատումը.
 4. հիմնադրամի գույքի տնօրինման կարգի հաստատումը.
 5. հիմնադրամի լուծարման հարցով դատարան դիմելու մասին որոշման ընդունումը.

6. հիմնադրամի լուծարման հանձնաժողովի (լուծարողի) նշանակումը, լուծարման կարգի ու ժամկետների սահմանումը, լուծարման միջանկյալ հաշվեկշռի հաստատումը, լուծարման հաշվեկշռի հաստատումը.
 7. հիմնադրամի տնօրենի և սույն կանոնադրությամբ սահմանված այլ մարմինների ընտրության ու նրանց լիազորությունների վաղաժամկետ դադարեցման մասին որոշումների ընդունումը.
 8. սույն կանոնադրությամբ նախատեսված հիմնադրամի այլ մարմինների ձևավորումը.
 9. տնտեսական ընկերությունների ստեղծման կամ դրանցում մասնակցության, ինչպես նաև առանձնացված ստորաբաժանումների և հիմնարկների ստեղծման ու դրանց կանոնադրությունների հաստատման մասին որոշումների ընդունումը.
 10. հիմնադրամի ֆինանսատնտեսական գործունեության վերահսկումը.
 11. տարեկան մեկ անգամ տնօրենի հաշվետվությունները լսելը.
 12. իր որոշումների կատարման ընթացքի վերահսկումը.
 13. հիմնադրամի աուդիտ իրականացնող անձի (աուդիտորի) ընտրությունը.
 14. հիմնադրամի կառուցվածքի հաստատումը.
 15. հիմնադրամի հաստիքացուցակի հաստատումը.
 16. հիմնադրամի գործարքների կնքման կարգի հաստատումը.
 17. օրենքով, սույն կանոնադրությամբ նախատեսված, ինչպես նաև հիմնադրամի այլ մարմիններին չվերապահված այլ լիազորությունների իրականացումը:
35. Խորհրդի նախագահը՝
1. կազմակերպում է խորհրդի աշխատանքները, կարող է կազմավորել խորհրդի ժամանակավոր հանձնախմբեր.
 2. գումարում է խորհրդի նիստերը և նախագահում դրանք.
 3. կազմակերպում է խորհրդի նիստերի արձանագրության վարումը.
 4. տնօրենի հետ կնքում է աշխատանքային պայմանագիր.
 5. օրենքով նախատեսված դեպքերում խորհրդի քննարկմանն է ներկայացնում խորհրդի անդամների լիազորությունների դադարեցման մասին որոշման նախագիծ.
 6. խորհրդի նախագահի բացակայության դեպքում նրա պարտականությունները, խորհրդի որոշմամբ, կատարելու է խորհրդի անդամներից մեկը:
36. Խորհրդի անդամներն իրավունք ունեն՝

1. առաջարկություններ ներկայացնելու խորհրդի նիստերի օրակարգի և քննարկվող հարցերի վերաբերյալ.
2. նախապատրաստելու և խորհրդի քննարկմանը ներկայացնելու հարցեր, առաջարկություններ և որոշումների նախագծեր.
3. ստանալու տեղեկություններ հիմնադրամի գործունեությանը վերաբերող ցանկացած հարցի վերաբերյալ.
4. ստանալու իր պարտականությունների կատարմամբ պայմանավորված ծախսերի փոխհատուցում:

37. Խորհրդի անդամները պարտավոր են՝

1. մասնակցել խորհրդի նիստերին.
2. իրենց պարտականությունների կատարման ընթացքում գործել՝ ելնելով հիմնադրամի շահերից:

38. Հիմնադրամի տնօրենի իրավասությանն են պատկանում հիմնադրամի ընթացիկ գործունեության ղեկավարման բոլոր հարցերը՝ բացառությամբ օրենքով և սույն կանոնադրությամբ խորհրդի իրավասությանը վերաբերող հարցերի: Հիմնադրամի տնօրենի իրավունքներն ու պարտականությունները, ինչպես նաև լիազորությունների դադարեցման կարգը սահմանվում են Հայաստանի Հանրապետության օրենսդրությամբ, սույն կանոնադրությամբ և տնօրենի հետ կնքված պայմանագրով: Հիմնադրամի անունից տնօրենի աշխատանքային պայմանագիրն ստորագրում է խորհրդի նախագահը կամ խորհրդի լիազորված այլ անձ:

39. Հիմնադրամի տնօրենը՝

1. կազմակերպում է խորհրդի որոշումների կատարումը.
2. տնօրինում է հիմնադրամի գույքը, այդ թվում՝ ֆինանսական միջոցները, գործարքներ է կնքում հիմնադրամի անունից.
3. ներկայացնում է հիմնադրամը Հայաստանի Հանրապետությունում և օտարերկրյա պետություններում.
4. գործում է առանց լիազորագրի.
5. տալիս է լիազորագրեր.
6. սահմանված կարգով կնքում է պայմանագրեր, այդ թվում՝ աշխատանքային.
7. բանկերում բացում է հիմնադրամի հաշվարկային (այդ թվում՝ արտարժույթային) և այլ հաշիվներ.
8. խորհրդի հաստատմանն է ներկայացնում հիմնադրամի աշխատանքային ներքին կանոնակարգը, առանձնացված ստորաբաժանումների, հիմնարկների և հիմնադրամի կողմից հիմնադրվող տնտեսական

ընկերությունների կանոնադրությունները, հիմնադրամի վարչակազմակերպական կառուցվածքը, հաստիքացուցակը.

9. իր իրավասության սահմաններում արձակում է հրամաններ, հրահանգներ, տալիս պարտադիր կատարման համար ցուցումներ և վերահսկում դրանց կատարումը.
10. սահմանված կարգով աշխատանքի է ընդունում և աշխատանքից ազատում հիմնադրամի աշխատողներին.
11. հիմնադրամի աշխատողների նկատմամբ կիրառում է խրախուսման և կարգապահական պատասխանատվության միջոցներ.
12. հաշվետու է խորհրդին.
13. հիմնադրամի գործարքների կնքման կարգի համաձայն ընդունում է որոշում հիմնադրամի անվամբ ուղղակիորեն կամ անուղղակիորեն գույք ձեռք բերելու կամ վերջինիս գույքն օտարելու կամ օտարելու հնարավորության հետ կապված գործարքներ կատարելու մասին.
14. խորհրդի նիստին մասնակցող անդամների ձայների մեծամասնությամբ ընդունված որոշման հիմքով կարող է կատարել հիմնադրամի տարեկան բյուջեով ամրագրված միջոցների վերաբաշխում՝ մինչև 10 տոկոսի չափով:
15. Հիմնադրամի տնօրենն այլ կազմակերպություններում կարող է զբաղեցնել վճարովի պաշտոններ՝ միայն խորհրդի համաձայնությամբ:

7. ՀԻՄՆԱԴՐԱՄԻ ՄԱՐՄԻՆՆԵՐԻ ԿՈՂՄԻՑ ՈՐՈՇՈՒՄՆԵՐԻ ԸՆԴՈՒՄԱՆ ԿԱՐԳԸ

40. Խորհուրդն իր գործունեությունն իրականացնում է տարեկան երկու անգամ գումարվող հերթական նիստերի միջոցով: Խորհրդի արտահերթ նիստ գումարում է խորհրդի նախագահը՝ իր կամ խորհրդի անդամների առնվազն մեկ երրորդի պահանջով, նախաձեռնողի սահմանած օրակարգով: Խորհրդի քարտուղարը երեք աշխատանքային օրվա ընթացքում խորհրդի արտահերթ նիստի օրակարգի և ժամկետի մասին գրավոր տեղեկացնում է խորհրդի անդամներին:

41. Խորհրդի նիստն իրավագոր է, եթե դրան մասնակցում է խորհրդի անդամների կեսից ավելին: Զվեարկության ժամանակ խորհրդի յուրաքանչյուր անդամ ունի մեկ ձայնի իրավունք: Խորհրդի որոշումներն ընդունվում են նիստին մասնակցող անդամների ձայների պարզ մեծամասնությամբ, բացառությամբ օրենքով սահմանված դեպքերի:

42. Եթե խորհրդի նիստում քննարկվում է հիմնադրամի խորհրդի որևէ անդամի կամ նրա հետ փոխկապակցված անձի (ծնող, ամուսին, զավակ, եղբայր, քույր, ամուսնու ծնող, զավակ, եղբայր և քույր) գույքային կամ այլ շահերի վերաբերյալ հարց, ապա խորհրդի տվյալ անդամը թվեարկությանը չի մասնակցում:

43. Խորհրդի անդամները կարող են խորհրդի նիստերին մասնակցել նաև ուղիղ հեռակապի միջոցով:

44. Խորհրդի որոշմամբ՝ խորհրդի նիստերը կարող են անցկացվել էլեկտրոնային փոստի կամ կապի այլ միջոցների կիրառմամբ, ինչպես նաև հարցման կարգով:

45. Խորհրդի նիստերին պարտադիր մասնակցում է հիմնադրամի տնօրենը՝ խորհրդատվական ձայնի իրավունքով:

46. Հիմնադրամի տնօրենը որոշումներն ընդունում է ինքնուրույն՝ ելնելով խորհրդի որոշումներից և հիմնադրամի շահերից:

47. Խորհրդի նիստերին խորհրդատվական ձայնի իրավունքով կարող են մասնակցել հրավիրված անձինք:

48. Հիմնադրամի մարմինների նիստերն արձանագրվում են: Արձանագրությունը ստորագրում են հիմնադրամի մարմնի նախագահը և տվյալ նիստի քարտուղարը: Հիմնադրամի մարմնի նախագահը պատասխանատվություն է կրում նիստի արձանագրությունում առկա տեղեկությունների հավաստիության համար:

8. ՀԻՄՆԱԴՐԱՄԻ ՎԵՐԱԿԱԳՄԱԿԵՐԱԿՈՒՄԸ ԵՎ ԼՈՒԾԱՐՈՒՄԸ

49. Հիմնադրամի վերակազմակերպումը կատարվում է հիմնադրի որոշմամբ:

50. Հիմնադրամը լուծարելու մասին որոշում կարող է ընդունել միայն դատարանը՝ շահագրգիռ անձանց դիմումի հիման վրա:

51. Հիմնադրամը կարող է լուծարվել, եթե՝

1. հիմնադրամի գույքը բավարար չէ սրա գործունեության իրականացման համար, և անհրաժեշտ գույք ստանալու հնարավորությունն իրական չէ.
2. հիմնադրամն իր գործունեությամբ շեղվել է կանոնադրությամբ նախատեսված նպատակներից.
3. հնարավոր չէ հասնել հիմնադրամի նպատակներին և կատարել այդ նպատակների փոփոխություններ.
4. հիմնադրամի գործունեությունը վտանգում է պետական և հասարակական անվտանգությունը, հասարակական կարգը, հանրության առողջությունն ու բարքերը, այլոց իրավունքներն ու ազատությունները.
5. հիմնադրամը թույլ է տվել Հայաստանի Հանրապետության օրենսդրության բազմակի կամ կոպիտ խախտումներ կամ պարբերաբար իրականացրել է իր կանոնադրական նպատակներին հակասող գործունեություն.

6. հիմնադրամը ստեղծելիս հիմնադիրը թույլ է տվել Հայաստանի Հանրապետության օրենսդրության էական խախտումներ կամ կեղծիքներ.

7. Հայաստանի Հանրապետության օրենսդրությամբ նախատեսված այլ դեպքերում:

52. Հիմնադրամը լուծարվում է օրենքով սահմանված կարգով:

53. Հիմնադրամի լուծարման դեպքում պարտատերերի պահանջները բավարարելուց հետո, ինչպես նաև այն դեպքում, երբ լուծարման միջանկյալ հաշվեկշիռը հաստատելու պահին հիմնադրամը չունի պարտավորություններ պարտատերերի նկատմամբ, գույքն ուղղվում է հիմնադրամի կանոնադրությամբ նախատեսված նպատակներին, դրա անհնարինության դեպքում դրամական միջոցները փոխանցվում են պետական բյուջե, իսկ այլ գույքը սեփականության իրավունքով փոխանցվում է Հայաստանի Հանրապետությանը՝ ի դեմս Կառավարության, բացառությամբ օրենքով սահմանված դեպքերի:

54. Հիմնադրամի լուծարումը համարվում է ավարտված, իսկ նրա գործունեությունը դադարած՝ պետական գրանցման պահից: